

慶州崔氏世譜序

昔在新羅儒理王時賜辰韓六部之姓而沙梁之崔居其一東方之有崔氏肇於此傳至羅末文昌侯海雲先生致遠入仕中國名聲動天下晚還故國以終是爲崔氏最顯之祖後有侍中文貞公承老相高麗成宗疏陳時務而以斥佛崇儒爲第一義監務官清當麗運之訖我祖召以贊成不起杜門削跡以卒號觀稼亭是皆中世之赫赫者也觀稼亭公之後氏葉最蕃而名德間作若鰲山君潤榮月城君彥恂當壬辰之亂俱扈駕龍灣錄扈聖功臣忠毅公夢亮當丁卯虜亂以義州判官殉節其弟夢稷及從子浩濬從以死之一家四忠世鮮倫比其餘立朝莅民行義文學之士不可悉數至今爲國中之著族焉名祖之蔭百世無窮其理有不誣者矣崔氏之有譜自正祖丁酉始焉以至純宗後丁卯屢次續修而或合或分矣今距丁卯已踰一世譜之續修於斯爲急而世變層生南北阻絕雖欲復合而未由矣於是以觀稼亭公爲派祖而譜焉既成問序于余夫法久則生弊弊極則反本理勢之必然也族譜之法昉於趙宋

而蘇氏則止於四世朱氏則止於七世其亦可謂簡嚴矣自是以後時世愈降而譜規愈廣務要盡收同貫之族而載之一編名之曰大同譜於是淆雜冒濫之弊生焉而至于近世則其弊已極矣第觀今日士族之家莫不以修譜爲務然舉多各專其派而不事大同蓋其深懲於世俗之弊而思有以反之是亦人心之天也崔氏之譜如是已足矣何必更求其廣哉若夫修譜之實亶在於尊祖愛族而非文字之所能與此則譜中之人之所當自省而交勉者也豈余言之所能助哉是役也主其謀者仲柱尙海觀海而請余文者永海容植也

歲己亥孟春日道州金在華序

舊譜序

維我月城之崔出自盛唐聞人名公代起輩出至本朝簪纓尙綿綿不絕獨恨夫收宗合族之大譜闕焉上以所自出之始傍焉所分系之統殆無所考證至於不知何人之歸徃在己卯曾王考觀察公按湖西慨然謀所以鋪張譜事庸備累百載闕文而事未及成遽捐館逮我先王考之自慶州移典嶺臬也追念先志思述遺事而未及按節而先又下也痛何言哉顧今歲月逾久子姓之零替日以甚宗支之派分代漸疎若不及時以成則安知其後日之又不如今也不肖後孫公攸爲是之懼與族叔金浦倅星鎮氏族叔遠鎮氏日夜區劃鳩合如干財力而謹考世傳家乘之所載旁求京外宗人之所莊粗軟明其統而紹其緒正其訛而斷例付之剞劂裝成二冊觀于斯譜不但孝悌之心油然而生念我兩世未成之遺志獲成于今日抑亦事有待而然也豈不悲且幸歟從今以往雲仍耳孫倘能世益蕃衍而襲訓揚聲昌大其門戶則斯譜之廣必不至於是而已竊以是望於後人云爾

舊譜序

月城崔氏修其族譜而刊之因金君裕淵請序于余金君即其裔而謂余爲外舅者余固陋拙無文顧安得以終辭也按崔氏著自新羅而高麗有文貞公諱承老相成宗疏陳時務以斥佛崇儒爲第一義監務公諱清麗連訖我祖召以贊成杜門以沒而至忠毅公諱夢亮光海政亂退居不仕仁祖丁卯以義州判官殉節于虜難其弟夢稷及從子浩濬從以死之嗚呼偉哉何其世傳忠義若是卓卓也文貞公當舉世崇奉異教之時以告於其君者獨能守正則其修於身而教於家者固有可知根深枝茂源遠川豐其理信然矣人之閱是譜者宜有所激仰感歎况譜於是者耶崔氏諸族不以比來官達之少自阻而各自勅厲思所以無忝則豈不能昌大其門乎今余序于斯譜而引歐蘇諸說以勉之則不免爲贅故略述其世德如此焉

崇禎紀元四丁丑仲夏 日

儀賓大夫吏曹參判 恩津 宋穉圭 序

舊譜序

我東自檀箕以來文献多不傳惟羅代以降有史傳可徵譜家亦皆斷自東京而蘇伐都利以高墟大人爲六部之一在赫居氏有開國佐理之功儒理氏改部賜姓爲沙梁之祖此慶州之崔所由始也夫姓崔貫慶而祖高墟已足以世厥家別以文昌之神仙標格文章學術至與薛弘儒伯仲雲仍萬千大振家聲豈遽下於伯陽之李彭鏗之錢哉惜其譜牒失傳世數莫辨而試以元甫密直兩派之著顯者考之自麗初至本朝幾八九百年名德孝節裕耀烏赫文貞之篤學恭順之忠勤稼亭罔僕之義栗菴之一門卓列觀察之繼世偉蹟蔚然爲湖嶺間大家數而源清而流潔根厚而枝繁理之常也茲豈非文昌積慶之報愈久而愈彰者耶今其後孫合謀修譜上溯沙梁叅攷史傳疑而存疑信而傳信不悖於尊祖敬宗之義則不徒爲崔氏所自勉凡諸有家者亦來取法焉程叔子不云乎管攝天下人心收宗族厚風俗使人不忘本須是明譜系

崇禎四壬辰九月下澣

通政大夫前行弘文館修撰 知製教 兼 經筵檢討官 春秋館記

事官

李家淳 序

舊譜序

人之有氏譜而譜以爲寶者何哉蓋敦宗睦族之誼而疎者近親者親豈不重且大歟噫唯此月城崔氏則余之外戚也而曾有先父兄之文字又有子弟之添錄不啻外戚先誼自別故余以拙焉無文敢將略舉其實夫文昌公我東方理學之宗祖而其後孫元甫公殷含文貞公承老恭順公齊顏和淑公玄祐諸公問學繼世唱大蓋不欣欽者乎及 我祖觀稼亭清齋世後杜門屏跡退居豐壤之義判書公確 宣祖平亂之功忠毅公夢亮 仁祖時罵賊不屈一時忠節何其卓卓耶自新羅以來文章道德守義忠節世不乏絕近代又有叅判公商翼監司公重泰繼世清白之意人人難爲家家不存誠可模矣雖千萬世之後崔氏之家聲長露未沒矣其感一也嗚呼余不敢此論而先人文字存焉宋穉圭外戚文字又有存焉故不計其陋又緣九寸戚叔正柱來請拙文故敢

汗顏語之稱道來跡于崔氏之譜中以俟後誼

歲甲辰仲冬 通訓大夫行靈山縣監 南陽 洪在應 謹序

舊譜序

月城崔君鼎柱與族姪根晦懷其世譜來言曰吾崔自赫居氏始有文獻之略
攷至儒理王時賜六部之姓沙梁之崔居其一而其先則并新羅宗裔也

顯宗時文昌候最爲著名而其後代緒莫得詳至元甫公密直公始得有據而
以世次之不能聯各以所詳爲派譜者亦爲百餘禩矣今者諸族聚謀欲合各
派爲同譜溯求旁搜悉刊于編願得公一言以侈斯譜余作而復之曰善矣哉
是舉也別自爲譜復有會統已見古例矧乎斯譜則以其派系之難詳未免各
譜而天下豈有無本源之族乎立遠之緒旣推於鷄林其後子孫之千萬皆是
文昌脚下則幾許代或致中間之闕漏亦是歷久之無或固然而從其所詳收
聚同載儘暗合於歐蘇所謂推本源廣仁恩之義溯以上之以究同出於某祖
而又知後來某派之復見於某代某族之當宗乎某房朝夕省閱瞭然心目則

尊祖之敬睦族之心無愧於古昔君子之所以致意者今崔氏之譜既分而復合已成會統矣其擴充此意而力行者尤非所當俛焉乎若其來歷世德已詳於舊序今不復贅略叙其譜事分合如此云爾時

崇禎四戊午季夏

嘉善大夫行成均館祭酒兼經筵官 恩津 宋來熙 序

舊譜序

譜者譜其族而族者始分于一人之身二世三世延爲百千萬派遂至路人非其譜則從何以誌先祖之世德後孫之昭穆乎此蘇明允之慨然於斯而譜之所由作也蓋其爲法也必謹乎序氏族明本支而於其所自出尤爲致詳焉不然亦何以譜爲崔君榮敏甫與其族姪鶴基甫是用爲懼因舊譜而重刊之悶其無文來請於余余雖固陋以若世誼之知舊顧安得以終辭也謹按月城崔氏之姓始於辰韓沙梁部而六部中大姓三韓上名族也自新羅至高麗有文昌候最著諱致遠字孤雲號海雲是也先生入仕于唐還歸本國名動天下實

是吾東方理學之宗祖孰不欽慕耶文貞公諱承老相成宗以斥佛崇儒爲時務觀稼亭公諱清至麗運之訖我 祖召以贊成不就杜門以終至忠毅公諱夢亮不仕光海朝 仁祖丁卯以義州判官殉節于虜難其弟夢稷與從子浩濬從以死之一門四忠前世罕有載之史乘炳若日星尙凜凜起人于百歲之下後有名公巨卿世世相承不可盡記此非鼻祖海雲先生夙德餘馨乎嗚呼雲仍散在四方其麗不億不以比來冠冕之少自阻各自油然生孝悌之心勅厲合譜上以述祖宗之文獻下以明子孫之敦睦則於斯譜也足以陳世德述家風而豈無昌大之理乎哉噫余於是譜奚特叙其事而已耶爲崔氏諸族先賀尊祖睦族之風萬一焉

崇禎紀元後五乙亥仲夏上澣 資憲大夫刑曹判書兼知經筵義禁府事
同知春秋館成均館事五衛都總府都總管 驪興 閔泳緯 序

舊譜序

程子曰管攝天下人心使人不忘本須是明譜系又曰人旣重本則朝廷之勢

自尊噫近世以譜牒爲務者多矣亦有見効如程子所云乎曰崔斯文桂鎮自嶺右來示其世譜而言曰此譜之成歷歲已久雲仍寢繁固當繼而入之且定山譜之誤不可不明今茲重刊要予一言而辨首以光斯舉也余旣與之久要有難以無文終辭然兩宋儒賢序事已詳其餘諸賢陳述亦備慶州之崔肇自赫居氏改部賜姓蘇伐公爲沙梁之初祖文章學術文昌侯爲弘儒之伯仲在麗朝有文貞之崇儒斥佛稼亭之自靖行遯至于本朝忠毅公殉節虜難弟姪並命觀察公聯世趾美偉蹟久彰披閱也瞭然于心因何容更贅一辭竊惟嶺鄉我東鄰魯文獻不泯其敦本實厚仁恩當有優於他矣余惟以程子所云深望其效是以爲之說

崇禎後五乙巳前叅判 光山 金永儀 謹書

舊譜序

夫天下之山莫非崑崙之脈而水亦以黃河爲宗則崔氏之根于慶即山水之崑崙黃河也况新羅一千年故都山水之秀麗浩汗與他州迥別則其扶輿清

淑之氣往往鍾毓人傑而人傑之輩出偏多於崔門抑天地山川之靈陰隲夫
崔氏歟厥 鼻祖文昌公十二而翰遊唐朝者殆若王子安之風送也十八而
克闢華誠者無愧乎董廣川之中三策也竟以文學倡吾東方配食聖廡豈不
贊哉實性理之所發著也而世之人徒知爲詞垣宗匠者則陋矣及乎繼世而
分派在麗朝有文貞公之崇儒斥佛稼亭公之自靖行遯至于 本朝忠毅公
殉節虜難弟姪并命觀察公聯世趾美偉蹟久彰披閱也家聲益暢密直公善
之痛斥異學如韓昌黎之陳表排佛也判書公咸一立朝秉樞霍子孟之屹立
山岳也叅判公弘載解綏入山墨胎伯叔之忍飢採薇也皆銘廟鼎炳國乘逮
我朝司成公汭掌成均顯清白青松公尙柔歷郡邑播口碑繼以叅判奉天貞
武震立藍浦縣監繼宗敵王愬殉國難院宇而不祧棹禊而永先乃知丹穴之
羽無非鳳雛嶰谷之管均合律呂而后白以東彥皆盛代俊逸之姿疇不欽仰
其文昌公之餘蔭乎何崔門之多賢也諸賢之義聲仁聞卓乎其可稱可欽者
猶大江之汪洋滂湃而衆流之莫敢擣其深也巨嶽之巍律峻業而群峰之不

能齊其高也則非獨崔氏於慶爲山水之崑河崔氏之賢亦崑河之於山水也其稱於百世宜哉余亦世于慶崔門之事蹟固所熟聞而稔知者大家之修譜宜下世急務今其派宗海晉甫與諸宗講確方役鋟檸使其族弟海東裏足宿春強請弁于余余以不文固辭終不獲遂踵其先而愛其誠忘陋而綴蕪倘無晒

歲癸丑季秋上浣

通訓大夫前弘文館副校理知製教兼經筵侍讀春秋館記注官

驪江后 李中久 謹序

舊譜序

新羅高墟大人蘇伐公始發跡後一千九百七十八年辛酉夏慶州崔氏大同譜成崔氏蘇伐公之裔也憲安王時有肩逸爲顯官與金純行殫力于王事文昌候孤雲先生其哲嗣也仕中國及東還時王事佛甚謹命先生撰佛家文字先生韙勉奉行然輒微斥其教而以四術六經仁爲本孝爲先等語諷之王不

悟是以先生不樂登朝道不能行然文學道德蔚然爲東國之宗故麗王陞享于聖廟我列祖眷眷爲後裔垂恤盖崇儒重道之至意也今載于譜者概以先生爲祖雖或出於派分之前亦莫不濡染於先生之餘韻也斥佛崇儒之功文貞公承老肖然恭順公齊顏密直公善之節義公沆和淑公玄祐忠烈公光位叅判公邦彥以勳業世其家忠敏公宗榆長於諷諫宛山公灤以文章繼焉觀稼亭公清罔僕之節凜凜匡靖公鄆有將帥才爲聖朝元勳司成公汭有廉白風文靖公淑生以問學述焉昔焉而各修一牒只知其祖之爲可法猶不失爲禮義冠裳之族今乃載列如右所觀感不一出而試之朝廷鄉黨之間而一事不如譜中人是負其譜也今日之役不其爲崔氏中興之一大運會乎苟欲模範乎譜中諸賢宜先祖述先生先生之言曰佛語心法玄之又玄終類係風影難行捕非所以辨沈約所謂孔發其端釋窮其致者耶又曰麟聖依仁乃據德鹿仙知白能守黑更迎佛日辨空色教門從此分階堦非所以限仙佛以異道者耶又曰假學仙有始終果能白日上升去止得爲鶴背上一幻軀非

所以擴子房從赤松之說者耶即此數語可以見先生心事况慎齋書于晦爺
而許倡學之功退陶增思儒宮而有尋寶訣之詠龜岩頌斯文之傳而有萬古
白日之句此豈但爲譜中諸君子所共祖述而已東方章縫之徒必須並與誦
法然後知仙佛之不容不闢而依仁據德之篇吾家萬世宗法云

光州后人 蘆相稷謹書

舊譜序

有父則有子有祖則有孫自同父而兄弟同祖而從父兄弟以至於總麻袒免
之親則宗族益多矣先系不得不明昭穆不得不叙此譜之所以作也然若以
譜之道止此而已則不必也生孝悌之心講敦睦之誼母忝而繩武合敬而
同愛然後可庶幾也世之人多尙門地殆家家有譜而知此義者則鮮矣慶州
崔氏東方巨族也始自突山蘇伐公著勳新羅而文昌候入唐朝登高科名聞
天下及還仕本國則知世道之不可爲棄官歸隱於山水間高風清德士林尊
慕至配食 聖廡其遺教餘澤久而不泯後承之以文章勲伐節義操行名于

世而光門戶者磊落相望於千餘年之間蓋不可勝書矣今崔氏諸人慨然於同出一源而視若路人通議協謀修大同譜其尊祖收族之意果何如也譜役將訖則明先系叙昭穆不必更言而至於向所稱譜之道不可不如意也交勉胥勗奉持乎先規念存乎祖德各自修飾終始無怠則雖散在四方終身不相面而殆將千家而一室萬人而一心可以無愧於同譜而亦必永世而無墜矣倡其事而主之者冕熙坤述泓一也謁余文而序之者益也

上章涒灘仲秋上澣

通政大夫前任成均館大司成侍講院原任司書

永嘉 金福漢 序

舊譜序

譜者一家之史也一人之史合而爲一家之史一家之史合而爲一國之史以史之盛衰占國之文野然則史之纂重固何如哉噫天下之生久矣生殖既繁派分支裂不可無區而別之故周小史氏掌氏族辨統系自是之後其法浸廣

廣州舊志卷之三

如文之昭武之穆小吳之後高陽之苗以閥閱相尙因成習俗至于我東而集大成各姓莫不有譜遠溯本源旁及九族以盡親親之義吁其盛矣崔氏始基於新羅蘇伐公以其出於高墟貫以慶州我國氏族之久遠皆所莫及也至孤雲先生入選唐朝甲科名聞天下倡明道學陞享 聖廟在麗朝斥佛崇儒之功文貞公承老肖焉恭順公齊顏密直公善之節義公沆和淑公玄祐忠烈公光位以勳業著焉農隱公瀅以文章繼焉監務公清守西山之節入 聖朝匡靖公鄆有將帥才司成公汭有廉白風文靖公淑生以問學述焉貞武公震立忠毅公夢亮斥和殉國之節人到今景慕不已世所稱三韓甲族者此而不在他矣雖然世代杳遠或散在各地久無一統之譜猝然相遇未免路人相視噫以一祖之分氣至此疎遠寧不慨然所以崔氏后昆泳韶義鍾贊海諸賢爲是之懼糾合諸族議以聚合之道四方響應僉謀詢同始刊大同之譜於是乎尊祖親族之義得而遂成一家完史此可爲他姓之模楷而裨益於國家之文獻者豈淺淺哉程子曰收宗族厚風俗莫如明譜系老蘇氏曰觀吾譜者孝悌之

心油然而生由是論之範世而化俗勸人爲善之方莫善於修譜矣今此之舉
奚獨爲崔氏一門之幸而已乎崔斯文德基甫欲廣求天下之文以明其修譜
之義其意益勤矣雖然諸名碩之敘述既盡矣不佞顧何敢贅崔氏後承勿以
今日之譜成爲足益思繼述嗣而葺之永傳而勿墜是所望也

丁卯仲春上浣

嘉善大夫江原道觀察使

安東

權益相

序

慶州崔氏世譜卷之一

中始祖

二世

三世

四世

五世

六世

崔致遠

子殷含

子承老

子肅

子齊顏

子繼勳

字孤雲號海雲一
曰宇海夫號孤雲

新羅元甫久而無
子禱而生承老文

門下侍中平章事
清河侯食邑七百

門下侍中平章事
謚仁孝顯

高麗大臣太師門
下侍中謚恭順

見下四

沙梁部人新羅
憲安王丁丑生美
風儀精敏好學年
十二隨海舶入唐

昌公之七十一載
時生文貞公故元
甫公則文昌公之
子的然敢書子字

戶公聰敏好學善
屬文年十二麗
太祖召見使讀論
語嘉之賜鹽盆

宗廟德宗癸酉
贈太師宣宗丙寅
寅避文宗王謚改

朝顯宗丙寅爲
太子右庶子庚午
爲中樞使德宗

甲戌爲戶部尚書
是年靖宗即位

尋師力學僖宗乾
符元年甲午登第

配姓氏不傳

命拜隸院鳳省學
士賜鞍馬例食

謚忠懿

爲吏部尚書丙子
爲尚書左僕射丁子

未爲門下侍郎同
內史門下平章事○

時年十八調漂水
縣尉遷侍御史內

事作黃巢敵書巢

文柄歷事太惠

定光景成六朝論

奏時政得失二十
八條以斥佛崇儒

爲第一義成宗

常爲都統高駢從

見檄墮床由是名

供奉○賜紫金魚

大匡內史令

未爲門下侍郎同

判尚書戶部事○

動天下二十八

奉帝詔翌年還本

國憲康王留爲侍

讀兼翰林學士兵

事公欲展所蘊而

部侍郎知瑞書監

壽六十三贈太

丙戌八月庚申

文宗卽位召公及

崔沖論時政得失

十一月戊子公疾

篤文宗親臨問

疾公俱冠服拜謝

一千疋麵三百石

五百石乳香

事公欲展所蘊而

讀兼翰林學士兵

事公欲展所蘊而